



Broj: 16-12-16-3163-*11*/23
I. Sarajevo, *10.05.* 2023. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama („Službeni glasnik BiH“, broj 39/14 i 59/22), na preporuku Komisije za nabavke za potrebe Državne agencije za istrage i zaštitu u 2023. godini broj 16-12-16-3163/23 od 08.05.2023. godine, u otvorenom postupku javne nabavke usluga redovnog i kasko osiguranja vozila za potrebe Državne agencije za istrage i zaštitu, **d o n o s i**

ODLUKU

o izboru najpovoljnijeg ponuđača u postupku javne nabavke usluga redovnog i kasko osiguranja vozila za potrebe Državne agencije za istrage i zaštitu

Član 1.

U postupku javne nabavke usluga redovnog i kasko osiguranja vozila za potrebe Državne agencije za istrage i zaštitu (daljem tekstu: Agencija), putem otvorenog postupka za dostavljanje ponuda, na preporuku Komisije za nabavke za potrebe Agencije u 2023. godini broj 16-12-16-3163/23 od 08.05.2023. godine, okvirni sporazum za period od 30 mjeseci, dodjeljuje se ponuđaču „ADRIATIC OSIGURANJE d.d. Sarajevo“, za ponudenu cijenu u iznosu od 82.780,83 KM bez uračunatog PDV-a na godišnjem nivou.

Član 2.

(1) Ponuđač „ADRIATIC OSIGURANJE d.d. Sarajevo“ obavezan je ugovornom organu dostaviti dokaz o ispunjavanju uslova iz tačke 12.1. Tenderske dokumentacije.

(2) Dokaz iz stava (1) ovog člana (orginal ili ovjerena fotokopija) ponuđač je obavezan dostaviti ugovornom organu u roku od pet dana od dana prijema ove odluke.

Član 3.

Ova odluka se dostavlja ponuđačima u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Agencije.

Član 4.

Za izvršenje ove odluke zadužuje se Sektor za materijalno-finansijske poslove Agencije.

Član 5.

Ova odluka stupa na snagu danom donošenja.

O b r a z l o Ź e n j e

Odlukom broj 16-12-16-3163-1/23 od 29.03.2023. godine pokrenut je postupak javne nabavke redovnog i kasko osiguranja vozila za potrebe Agencije, procijenjene vrijednosti 249.000,00 KM bez uračunatog PDV-a, za period od 30 mjeseci, za koji je obavještenje o javnoj nabavci broj 1161-1-2-71-3-18/23 od 05.04.2023. godine objavljeno na Portalu javnih nabavki i u „Službenom glasniku BiH“, broj 26/23 od 14.04.2023. godine. Novčana sredstva za realizaciju navedene nabavke obezbijedena su u okviru budžetskih sredstava za 2023. godinu, a na osnovu Instrukcije o privremenom finansiranju institucijama Bosne i Hercegovine za period januar-mart 2023. godine broj 05-16-2-8338-1/22 od 28.12.2022. godine i Dokumenta okvirnog budžeta 2023. - 2025. godine.

Obzirom da je tačkom 23. Tenderske dokumentacije navedeno da je rok za dostavljanje ponuda 27.04.2023. godine do 12,00 sati, te da se ponude dostavljaju u zatvorenoj koverti, Komisija je dana 27.04.2023. godine u 13,00 sati izvršila javno otvaranje ponuda prema datumu i vremenu prijema, numerišući kovertu. Javnom otvaranju ponuda prisustavovala je ovlaštena predstavica ponuđača „ASA CENTRAL OSIGURANJE d.d. Sarajevo“.

Blagovremeno su dostavljene ukupno četiri ponude i to:

R/B	Naziv ponuđača	Ukupna cijena iz specifikacije bez uračunatog PDV-a za jednu godinu
1.	„ASA CENTRAL OSIGURANJE d.d. Sarajevo“	125.124,21 KM
2.	„SARAJEVO OSIGURANJE d.d. Sarajevo“	137.928,65 KM
3.	„BRČKO GAS OSIGURANJE d.d. Brčko“	113.214,27 KM
4.	„ADRIATIC OSIGURANJE d.d. Sarajevo“	82.412,83 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, br. 39/14 i 59/22) (u daljem tekstu: Zakon), sačinila Zapisnik o otvaranju ponuda i isti dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da su ponude ponuđača „ASA CENTRAL OSIGURANJE d.d. Sarajevo“, „SARAJEVO OSIGURANJE d.d. Sarajevo“ i „BRČKO GAS OSIGURANJE d.d. Brčko“ neprihvatljive, iz razloga što cijene ponuda ponuđača „ASA CENTRAL OSIGURANJE d.d. Sarajevo“, „SARAJEVO OSIGURANJE d.d. Sarajevo“ i „BRČKO GAS OSIGURANJE d.d. Brčko“ prelaze planirana odnosno osigurana novčana sredstava za predmetnu nabavku. Imajući u vidu naprijed navedeno, Komisija ponude ponuđača „ASA CENTRAL OSIGURANJE d.d. Sarajevo“, „SARAJEVO OSIGURANJE d.d. Sarajevo“ i „BRČKO GAS OSIGURANJE d.d. Brčko“ nije uzela u dalje razmatranje.

Komisija je utvrdila da je ponuda ponuđača „ADRIATIC OSIGURANJE d.d. Sarajevo“ prihvatljiva odnosno da ispunjava kvalifikacione uslove u pogledu lične sposobnosti, sposobnosti obavljanja profesionalne djelatnosti, ekonomske i finansijske sposobnosti, tehničku i profesionalnu sposobnost, kao i formalno-pravne uslove iz Tenderske dokumentacije.

Komisija je prilikom ocjene ponude ponuđača „ADRIATIC OSIGURANJE d.d. Sarajevo“, utvrdila da je u Specifikaciji broj 1- Premija za redovno osiguranje putničkih vozila, vozača i putnika, napravljena tehnička greška računске prirode, na način da je pod rednim brojem 29, u rubrici broj vozila navedeno 2 vozila, dok je u rubrici cijena premije osiguranja na području Republike Srpske bez uračunatog PDV-a navedeno 367,98 KM, tako da ukupan iznos premije osiguranja bez uračunatog PDV-a treba iznositi 735,96 KM, umjesto 367,98 KM. S obzirom na uočenu grešku računске prirode u Specifikaciji br. 1, utvrđeno je da je ukupan iznos premije za redovno osiguranje putničkih vozila, vozača i putnika 57.217,32 KM bez uračunatog PDV-a, umjesto ponuđenog iznosa 56.849,32 KM, tako da ukupna cijena iz Specifikacije bez uračunatog PDV-a za jednu godinu ponuđača „ADRIATIC OSIGURANJE d.d. Sarajevo“ iznosi 82.780,83 KM, umjesto 82.412,83 KM.

Imajući u vidu da su konstatovane greške računске prirode Komisija je aktom broj 16-12-16-3163-9/23 od 04.05.2023. godine, u skladu sa članom 17. st. (1) i (3) Uputstva za primjenu modela tenderske dokumentacije i ponuda („Službeni glasnik BiH“, br. 90/14 i 20/15), od ponuđača „ADRIATIC OSIGURANJE d.d. Sarajevo“ zatražila prihvatanje ispravke grešaka računске prirode u Specifikaciji broj 1 - Premija za redovno osiguranje putničkih vozila, vozača i putnika. Ponuđač „ADRIATIC OSIGURANJE d.d. Sarajevo“ je aktom broj 23593275 od 04.05.2023. godine potvrdio da prihvata grešku računске prirode, te da ukupna cijena ponude ponuđača „ADRIATIC OSIGURANJE d.d. Sarajevo“ na godišnjem nivou iznosi 82.780,83 KM bez uračunatog PDV-a.

Komisija je primjenjujući kriterij najniže cijene iz tačke 20. Tenderske dokumentacije, sačinila rang listu ocijenjene ponude, kako slijedi:

R/B	Naziv ponuđača	Ukupna cijena iz specifikacije bez uračunatog PDV-a za jednu godinu
1.	„ADRIATIC OSIGURANJE d.d. Sarajevo“	82.780,83 KM

Komisija je nakon sačinjene liste ocijenjene ponude, utvrdila da je ponuda ponuđača „ADRIATIC OSIGURANJE d.d. Sarajevo“ ocijenjena kao najpovoljnija ponuda, te da ne premašuje procijenjenu vrijednost nabavke na godišnjem nivou.

Cijeneći naprijed navedeno, prihvaćena je preporuka iz Izvještaja o radu Komisije i odlučeno da se okvirni sporazum u postupku javne nabavke usluga redovnog i kasko osiguranja vozila za potrebe Agencije, dodijeli ponuđaču „ADRIATIC OSIGURANJE d.d. Sarajevo“, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 4x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE

Darko Čulum

